



Inombolo yefayili: 3/3/3/1/1
Isalathiso: 20230512-4279

INGcaciso eMfutshane yoLawulo lwaBasebenzi ngoBuchule: 0008/2023

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zokuNika iNkxaso kwiKharityhulam, kuBaphathi beeSekethe, kwiiNtloko zoLawulo nokuPhathwa kwaMaziko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNqununu

Isihloko: Iibhasari ze-Funza Lushaka ezifumaneka ngokwezithili zabafundi abaseNtshona Koloni ukulungiselela u-2024

1. ISebe leMfundo leNtshona Koloni (iSebe iWCED) liinqwenela ukwazisa abantu abaxhamla kwi-*Presidential Youth Employment Initiative (PYEI)* yeSigaba IV, abafundi abazii-interns kwi-*Premier's Advancement of Youth (PAY)* kunye nabafundi abavela kuzo zonke izikolo abanomdla wokulandela izifundo zokufumana amabanga emfundo avunyiweyo okuqeqeshelwa ukufundisa, ukuba ziyafumaneka ezi bhasari zingama-66 zeemeko ezizodwa ze-Funza Lushaka (*extraordinary Funza Lushaka bursaries*) ezisekelwe kwizithili ezilungiselelwe unyaka wokufunda u-2024.
2. Iskim sebhasari i-Funza Lushaka *Bursary Scheme* seSebe leMfundo esiSiseko (iSebe i-DBE) sinika abafundi abapasa emagqabini ibhasari yokuhlawula ngokupheleleyo iifizi zokufunda, ezendawo yokuhlala nokutya, isibonelelo seencwadi zezifundo, eseenowuthsi neefizi zaselebhu (apho kufanelekileyo) kunye nesitayiphendi esiyimali yaqho ngenyanga yokuhlawulela iintwana-ntwana zokuphila eziyimfuneko.
3. Iibhasari i-Funza Lushaka *Bursary Scheme* yiprogram yeminyaka emininzi eyaqaliswa ngo-2007 ukuphakamisa umsebenzi wokufundisa kwizikolo zikarhulumente njengekhondo elinokukhethwa ngabemi baseMzantsi Afrika abanako nabazimiseleyo. Le program iqhutywa apha kule ngingqi, *e-University of Western Cape*, *e-Stellebosch University*, nase-*Cape Peninsula University of Technology*.

4. Ngo-2012, ISebe i-DBE laqalisa iprogram yokugaya abafundi eqhubekela kwizithili ethagetha abafundi abasuka kwiindawo zabahlwempuzekileyo (abafundi abakwizikolo ezingahlawulisi zifizi okanye abafundi abakuxolelweyo ukuhlawula iifizi) ukubanceda ukuba bafumane ibhasari i-Funza Lushaka *Bursary Scheme*. **libhasari eziyi-66 zeemeko ezizodwa (66 extraordinary bursaries) ziya kunikwa kuphela abafundi abavumayo ukufundisa kwizikolo ezikwimimandla esemaphandleni, kuthathelwa ingqalelo iimfuno zezithili ezisemaphandleni.**
5. Ukunikwa ibhasari yeFunza Lushaka kuxhomekeke kule miqathango ilandela:
- a) Iprogram iya kuxhasa ngemali abo bafundi bafuna ukuba nobungcali kwezi zifundo zilandelayo:
- i) **I-BEd: kwiSigaba seSiseko, egxininisa kubungcali** kwiiLwimi (kwisiXhosa, kwisi-Afrikansi, kwisiNgesi) nakwimfundo eneemfuno ezizodwa.
 - ii) **I-BEd: KwiSigaba esiPhakathi, egxininisa kubungcali** kwiiLwimi (ubukhulu becala kwisiNgesi), kwiMathematika, kwi-Natural Sciences, kwiThekhnoloji nakwimfundo eneemfuno ezizodwa.
 - iii) **I-BEd: kwiSigaba esiPhakamileyo, egxininisa kubungcali** kwiiLwimi, (ubukhulu becala kwisiNgesi), kwiMathematika, kwi-Natural Sciences, kwiThekhnoloji, kwi-Arts (*Dramatic, Visual, Dance, Music, Design*) nakwimfundo eneemfuno ezizodwa; kunye
 - iv) **Ne-BEd: kwiSigaba se-Further Education and Training, egxininisa kubungcali** kwiiLwimi (kwisiXhosa ubukhulu becala), kwiMathematika (kuquka i-*Technical Mathematics*), kwi-Sciences (*Agricultural, Natural, Physical, Life, Technical, Mathematical, excluding Social Sciences*), kwiThekhnoloji (*Civil, Electrical, Mechanical, Computer Application Technology and Coding*) kwi-Arts (*Dramatic, Visual, Dance, Music, Design*) nakwimfundo eneemfuno ezizodwa.
- b) Ibhasari uyinikwa kunyaka omnye wokufunda ngexesha yaye, xa kukho ubungqina bokuphumelela kwizifundo, inokuhlaziywa kwakhona kunyaka ngamnye de lowo onikwe ibhasari aphumelele amabanga emfundo okuba ngutitshala oqeqeshiweyo. Kuya kufuneka onikwe ibhasari afake isicelo kwakhona ekupheleni kuka-Oktobha kunyaka ngamnye ukulungiselela unyaka olandelayo.
- c) Akuyigqiba ikhosi yezifundo, umfundi onikwe ibhasari kuya kufuneka afundise kwisikolo, esikummandla osemaphandleni, ithuba lonyaka omnye ngonyaka ngamnye anikwe ibhasari ngawo.
6. Ngaphezulu, abenzi-sicelo abalindelekileyo kufuneka babe bazenzile izicelo zokwamkelwa kumaziko emfundo ephakamileyo (*Higher Education Institutions*) (ii-HEI) ahlukeneyo bethathela ingqalelo umhla wokuvala wama-**28 Julayi 2023** yaye mabazifezekise iimfuno ezingummiselo zokwamkelwa kula maziko azii-HEI ahlukeneyo achazwe kumhlathi 3 apha ngasentla. Yikomiti yokhetho kaNdlunkulu weSebe iWCED, eya kunika iingcebiso kwiSebe leMfundo likazwelonke ngokuvunywa kweebhasari ngokwezinto aqaqambe ngazo umenzi-sicelo (*on merit*), ngokusekelwe kwezi khayitheriya zezifundo zizezona zisezantsi zilandelayo:
- a) Ukupasa iBakala 12 kwinqanaba lokwenza izifundo zesidanga sokuqala.

- b) Umenzi-sicelo makabe wenze isicelo sokwamkelwa kwiprogram yesidanga se-BEd esivunyiweyo ukuze abe nobungcali kwiinkalo ezimbini okanye ezingaphezulu zezifundo ezithathwa njengezibaluleke gqitha.
- c) Ukupasa uLwimi lweenkobe ngo-60% okanye ngaphezulu, uLwimi lokuQala oloNgezelelweyo ngo-50% okanye ngaphezulu nezinye izifundo ezine ngo-50%.
- d) Abafundi abanqwenela ukugxininisa kubungcali kwiSigaba seSiseko, mabapase iMathematika okanye uLwazi lweMathematika (*Mathematical Literacy*) kwinqanaba leBakala 12; kunye
- e) Nabafundi abanqwenela ukugxininisa kubungcali ekufundiseni izifundo zobugcisa (*technical subjects*) zethekhinoloji, mababe bayipasile i-*Mathematics/i-Technical Mathematics* ne-*Physical Sciences/ne-Technical Sciences*.

Umhla wokuvalwa kokwenziwa kwezicelo ngowe-**28 Julayi 2023**. Abenzi-sicelo kufuneka benze isicelo ngokuthi bazalise ifom yokwenza isicelo besebenzisa le linki ilandelayo [2024 FUNZA APPLICATION](#) baze bangenise onke amaxwebhu ahamba kunye nayo ku-Nks Masivelane Jita – inombolo yefoni 021 467 2224 okanye bathumele i-imeyili kulo: Masivelane.Jita@westerncape.gov.za

7. Kufuneka kungeniswe la maxwebhu ahamba kunye nayo alandelayo:
 - Ikopi yesazisi eqinisekisiweyo;
 - Ikopi yesatifikethi seMatriki sikaZwelonke eqinisekisiweyo **OKANYE** iripoti kaJuni yeBakala 12
 - Izizathu ezichaza ukuba kutheni na ufuna ukuba ngutitshala;
 - Ubungqina bokwenza isicelo okanye bokwamkelwa kwiziko i-*HEI* eliseNtshona Koloni.
8. Aba bantu balandelayo bangenza isicelo:
 - Abancedisi be-*PYEI* ye-*Phase IV*;
 - Ii-*interns* ze-*PAY*
 - Abafundi beBakala 12
 - Abangabemi baseMzantsi Afrika;
 - Abafundi abangaphantsi kweminyaka yobudala engama-30;
 - Abenzi-sicelo ababonakalisa izakhono zokufunda ezigqwesileyo; kunye
 - Nabenzi-sicelo abahlala eNtshona Koloni.
9. Kucelwa nazise okukule ngcaciso imfutshane bonke abancedisi be-*PYEI* ye-*Phase VI*, abafundi abazii-*interns* kwi-*PAY* kunye nabafundi kuzo zonke izikolo ukuze bakuthathele ingqalelo.

ISAYINWE: NGU-LJ ELY

USEKELA MLAWULI-JIKELELE WEENKONZO ZEZIKO

UMHLA: 2023-05-23